



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus  
desideratas, summoque studio hinc inde conquisitas complectens

**Luxemburgi, 1741**

7. Quia sicut &c. Ad Philippum IV. cognomento Pulchrum Galliæ Regem:  
de his, quæ egerit ut Principibus Electoribus Germaniæ suaderet  
electionem Fratris Regis Caroli Comitis Andegavensis in Regem ...
- 

[urn:nbn:de:hbz:466:1-74452](https://nbn-resolving.org/urn:nbn:de:hbz:466:1-74452)



ANNO  
1307.

quoque Fratrem unum militem dicti Ordinis magnæ generositatis, & auctoritatis virum, super pravitate jam dicta personaliter examinavimus, qui dictum facinus abnegationis Jesu Christi in ingressu dicti Ordinis à se commissum sponte confessus fuit plenariè coram nobis, & adjecit se vidisse, quod quidam nobilis in præsentia ducentorum Fratrum vel plurium dicti Ordinis, inter quos erant centum milites vel circa, ultra mare, videlicet in Regno Cypri per præfatum Magistrum dicti Ordinis in Capitulo suo in fratrem Templi receptus fuit, & ibi in dictorum Magistri & Fratrum præsentia idem nobilis ad mandatum ipsius Magistri dictum facinus in sua receptione commisit. Ex quibus si in agro plantationis dicti Ordinis, qui ager putabatur esse virtutum, & grandis sublimationis speculo prælucebat, diabolica, quod abstet, sint semina seminata gravi nostra viscera commotione turbantur. Sed si præmissa veritate nitantur, ea comperta cessabit turbatio, & secundum Deum jucunditas orietur. Unde ad investigandam veritatem hujusmodi sine mora proponimus intendere, & quantum Deus dederit efficaciter vigilare. Ea propter quia sicut insinuatione multorum accepimus super præfatis criminibus contra Templarios ipsos fama seu verius infamia communi continuè suscipit incrementum, & ob hoc urget nos conscientia, ut in his officii nostri debitum exequamur, nobilitatem tuam requirimus, rogamus & hortamur attentè, quatenus quam citius post receptionem præsentium commodè poteris prædictis omnibus intenta meditatione pensatis, sic prudenter, sic cautè, sic secreta de sapientium Secretariorum tuorum consilio studeas ordinare, quod omnes, & singulos Templarios Domini tui, & alios qui reperiuntur in eo, & eorum bona mobilia, & immobilia per bonas personas, omni maxime quoad bona ipsa suspicione carentes, meliori modo, quo fieri poterit, capi facias uno die personas eorum faciens donec tibi scribamus aliud, nostro & sedis Apostolicæ nomine in locis tuis sub fida custodia detineri. Bona verò ipsorum mobilia & immobilia aliquibus bonis personis, de quibus non sit verisimile, quod in his, vel similibus velint fraudem aliquam adhibere facias commendari nostro nomine fideliter conservanda, quousque per nos aliud fuerit ordinatum. Quæ quidem personæ de dictis bonis omnibus & singulis teneantur in præsentia Fratrum quarumlibet domorum dicti Ordinis & aliarum plurium bonarum personarum, & maxime dictis domibus vicinarum inventaria facere, & cum tempus fuerit plenam de ipsis reddere rationem. Quarum personarum depositarum, propter honorem tuum sic melius negotium sine bonorum direptionis & dissipationis suspitione procedat nullæ sint de tuis officialibus, servientibus, vel aliis servitoribus quibuscumque. Provisurus quod terræ ac vineæ Templariorum ipsorum, eorum expensis more solito excolantur, ut bona ipsa dictis Templariis si reperiuntur innocentes, alioquin pro Terra Sancta integrè conserventur. Taliter te super his habiturus, quod exinde præter humanæ laudis præconium apud Deum, cujus in hac parte negotium agitur, gratiæ tibi proveniat incrementum, & nihilominus ex hoc nostram & Apostolicæ sedis gratiam plenius merearis. Quidquid autem super præmissis fieri jusseris, & quidquid fuerit executioni mandatum nobis quam celerius fieri possit, tuis litteris intimare procures.

Datum Pictavis 10. Decembr. Pontificatus nostri anno tertio.

ANNO  
1307.

Ad Philippum IV. cognomento Pulchrum Gallie Regem: de his, quæ egerit ut Principibus Electoribus Germaniæ suaderet electionem Fratris Regis Caroli Comitis Andegavensis in Regem Romanorum: anno 1307.

## C L E M E N S E P I S C O P U S .

*Servus Servorum Dei, carissimo in Christo filio Regi Francorum illustri, salutem & Apostolicam benedictionem.*

Quia sicut pro certo speramus, mentem tuam prospera de nostræ incolumitate personæ audire delectat; tibi significavimus ad gaudium, quod licet pluries disfructi fuerimus, tamen illo faciente, qui potest, corporis incolumitate vigemus, quamvis in eo vigore non simus, in quo eramus, quando recessimus de Pictavis; cum aer locorum, per quæ transitum fecisse dignoscimur, dispositioni personæ nostræ non competat, ut credimus, sicut aer partium Pictaviensium competeat. Præterea dilecti filii Petrus Barevis Canonicus Virdunensis, & Hugo de Cella miles tuus, nuper ad nostram præsentiam venientes, nobis litteras tuas, continentes inter cætera credentiam, præsentarunt, & qualiter ipsi dudum cum nostris & tuis litteris super factio electionis futuri Romanorum Regis, ad partes Almania accedentes personaliter, & qualiter in hujusmodi negotio processerant, ac venerabilis frater noster Coloniensis Archiepiscopus lætanter ipsos receperat, eique dilectum filium nobilem virum, Carolum Comitem Andegavensem, germanum tuum, in Regem Romanorum ex parte tua nominaverant, eligendum; ac tu per regias litteras supra dictas præfato Archiepiscopo etiam specialiter nominatas, & qualiter dictus Archiepiscopus eis benevolam exhibens responsam & gratum, obrulit, super electionis ejusdem negotio liberaliter se facturum quicquid posset effici per eundem; nobis seriose retulerunt. Cumque postmodum idem Canonicus & miles apud nos ex parte tua instarent sollicitè & iterato, præfato Coloniensi nec non & venerabilibus fratribus nostris Maguntiensis ac Treverensi Archiepiscopis, quibus scripta nostra direxeramus per eos, sicut hujusmodi negotio scriberemus; nos iisdem respondimus, quod, cum per duos vel tres dies ante ipsorum ad præsentiam nostram adventum, prædictis Archiepiscopis ac dilectis filiis, nobilibus viris, Marchioni Brandenburgensi ac . . . Saxonie & . . . Bavarie Ducibus, prout intercessu tuo de Pictavis nos instanter rogaveras pro ejusdem promotione negotii, nominando specialiter ipsum Comitem, scripsissemus; non videbatur expediens sive decens eis scribere super eodem negotio iterato, nisi prius nobis ad eandem litteras respondissent: tamen responsione habita ab eisdem, parati eramus scribere, ut precebat. Verum quia dictus Coloniensis Archiepiscopus præfatis Canonico & militi, ut prædiximus, benignè & grato respondit, ipsum per nostras litteras super negotii promotione prædicti pulsamus precibus & exhortationibus iteratis, prout in transumpto litterarum ipsarum, quod tibi mittimus præsentibus interclusum, poteris plenius intueri; ad illud autem super quo Canonicus & Miles præfati nobis supplicasse noscuntur, dictæque tuæ litteræ continebant,

videlicet

VII.  
Ex Cod. Diplom. Leibnizii Tom. 2.  
Mant. p. 241.



ANNO  
1307.

videlicet quod aliquam solennem personam ad Electores eisdem vel procuratores ipsorum, die quæ pro habendo tractatu super electione præfata convenire videbatur, infimul mitteremus; respondimus, & adhuc Celsitudini tuæ respondemus, quod de hujusmodi persona, quæ tibi grata & fidelis existat, de qua tu plenior, quàm nos, poteris habere notitiam, cogites diligenter, tuamque super hoc nobis retribas plenariè voluntatem, cum juxta votum tuum ad electores eisdem destinare personam hujusmodi proponamus. Supplicaverunt nobis insuper ex parte magnitudinis tuæ, Canonicus & Miles præfati, ut dilecto filio, nobili viro, *Comiti Luceburgensi*, pro hujusmodi promotione negotii per nostras Litteras scriberemus; quibus ad hæc duximus respondendum: quòd cum præfatus *Archiepiscopus Treverensis, dicti Comitis frater, ipseque Comes pro sua promotione ad regnum prædictum*, apud nos devotis supplicationibus institissent, ac idem Comes tibi fidelis existat; magis videbatur expediens, quòd tu eundem Comitem super hoc requireres per litteras tuas cum instantia opportuna. Præterea cum præfati Canonicus & Miles nobis supplicarent, quòd dicto *Archiepiscopo Maguntinensi, ne ad Coronationem dilecti filii, nobilis viri; ducis Carinthia, qui se gerit pro Rege Bohemia, procederet, donec esset ipse Regis Romanorum electio celebrata*, per nostras litteras scriberemus; eidem duximus respondeadum; quòd nobis, qui sumus omnibus in justitia debitores, non videbatur congruum rationi, quòd nullo conquerente de ipso, ad ejus impediendum honoris procederemus aliquatenus ex abrupto. Cæterum die Sabbati præterita apud Reulam Vacensentis Diocesis existentes per nuncium ex parte regia nobis missum, qui cum Litteris tuis, continentibus adventum venerabilis fratris nostri Arnaldi Episcopi Pictavenensis ad tui præsentiam, quam ex certis causis retinueras & petebas per nos excusatum haberi, inibi ad nos venit; litteras dilecti filii nobilis viri *Joannis Ducis Saxonia* recepimus, quas tibi mittimus præsentibus interclusas, ut ea, quæ ipsæ continent, plenè valeas intueri. Datum apud Cadelhacum Burdegalenensis Diocesis, Calend. Octobris, Pontificatus nostri anno tertio, sub plumbo cum cordula canapis.

VIII.  
Ex Cod.  
Dipl. Leibnizii  
Tom. II.  
pag. 243.  
Mant.

Ad Philippum Pulchrum de tractatu cum Republica Venetâ pro Imperio Constantinopolitano pro Carolo ipsius Philippi Fratris obtinendo: anno 1307.

CLEMENS EPISCOPUS,

*Servus servorum Dei carissimo in Christo filio Philippo Regi Francorum Illustri, salutem & Apostolicam Benedictionem.*

Dudum prout celsitudo regia non ignorat, dilectis filiis... Duci, Consilio & communi Ventiarum, quòd dilecto filio, nobili viro Carolo, *Comiti Andegavensi, germano tuo* ad juramentum præstandum super certis conventionibus & pactis inter eundem Comitem & ipsos Ducem, Consilium & commune initis, occasione negotii imperii Constantinopolitani, usque ad Calend. februarii tunc proximè venturi terminum prorogarent, per litteras nostras preces & monita porreximus efficacia; ad quæ Dox

ipse per suas nobis respondit litteras, sicut in eis, quas tibi mittimus Litteras præsentibus interclusas, poteris intueri, quarum etiam copiam prædicto Comiti destinamus. Præterea non credimus à tua memoria recessisse, quatenus dum Pictavis residentiam faceremus præsentibus dilectis filiis, nobilibus viris, Ludovico fratre tuo, Ebroicensi ac Sancti Pauli Comitibus, Constabulario Franciæ & Ignorammo Cambellano tuo aliqua *super negotio ejusdem imperii sub magno sigillo facta* exponi per ipsum Ingeramum reciti oretenus coram nobis, pro quibus eras tuos speciales nuncios, qui per nos debebant transitum facere ad aliquos magnos Principes, transmissurus. Super quo, quia nihil super hoc audivimus, postmodum admiramur. Quare tuo & ejusdem Comitum Andegavensis honori convenire videtur, dictoque negotio expedire, quòd ea, quæ tunc, ut prædicatur, dicta fuerunt, ad effectum debitum perducantur & quia secreta ipsa non committeremus libenter alicui referenda, vel exprimeremus litteris, nisi de tua procederet voluntate, tibi, licet forsitan ex superabundanti, ad memoriam reducimus, magnitudini tuæ tunc temporis respondisse, quòd ex infusione Spiritus Sancti ex tuis præcordiis, ut videbatur, extiterant inspirata. Cæterum litteras dilecti filii nobilis viri *Rudolfi Ducis Bavaria*, per quas de negotio electionis futuri Regis Romanorum, super quo tibi per nostras litteras scripseramus, respondet, pridem recepimus, quas tibi interclusas præsentibus, nec non & earum copiam dicto Comiti Andegavensi specialiter destinamus. Datum in Laureomente prope Burdegallas, XI. Calend. Novembris, Pontificatus nostri anno tertio.

Citatio eorum qui Bonifacium Prædecessorem Pontificem Hæreseos accusant: anno 1308.

CLEMENS EPISCOPUS,

*Servus servorum Dei, ad certitudinem presentium & memoriam futuram.*

Dudum postquam, divina cooperante Clementiâ, fuimus ad apicem summi Apostolatus assumpti, primò Lugduni & deinde Pictavis, cum nostra curia residentes, charissimus in Christo filius noster *Philippus Rex Francorum illustris*, zelo, ut credimus, & ipse promebat, fidei Orthodoxæ & devotionis accensus credensque Ecclesiæ statui plurimum expedire, Nos cum instantia requisivit, & id ipsum dilecti filii, nobiles viri, *Ludovicus natus clara memoria Philippi Regis Francorum Ebroicensis, Guido S. Pauli, & Joannes Drocentis Comites ac Gulielmus de Plasiaco miles*, qui contra Bonifacium Papam VIII. prædecessorem nostrum, quem dicebant in iabe pravitate hæretica decessisse, crimen hæreseos se velle imponere, & ad illud probandum sufficientes probationes habere, illasque coram nobis velle proponere afferebant: postularunt instanter, quòd ipsis videlicet nobilibus benignam audientiam exhibentes, ad recipiendas probationes hujusmodi, memoriamque damnandam ejusdem defuncti, justitiâ præviâ procedere curaremus. Nos verò quamvis de ipso, quòd de orthodoxis parentibus, & Catholica patria traxit originem, ac in curia Romanâ, pro majori

ANNO  
1308.

IX.  
Ex Cod.  
Leibnizii  
Tom. II.  
pag. 300.  
Mant.

